

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Stručna služba za zajedničke poslove**

Broj: 17-14-30473-10
Sarajevo; 16.12.2015. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za ustupanje usluga u postupku javne nabavke za Ustupanje usluga osiguranja uposlenika Kantona Sarajevo u 2016. godini (Zapisnik o pregledu i ocjeni ponuda broj: 17-14-30473-09 od 16.12.2015. godine, načelnik Stručne službe za zajedničke poslove Kantona Sarajevo, **d o n o s i**:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u postupku javne nabavke za Ustupanje usluga osiguranja uposlenika Kantona Sarajevo u 2016. godini i dodjeljuje se prvoplasiranom ponuđaču „**BOSNA SUNCE OSIGURANJE**“ d.d. Sarajevo, prema dostavljenoj ponudi broj: 316/15-JG od 07.12.2015. godine u ukupnoj vrijednosti visine premije osiguranja po uposleniku (godišnje) od 46.080,00 KM i visine osigurane sume za: smrt usljed bolesti: 4.000,00 KM; smrt usljed nezgode: 42.500,00 KM; invaliditet: 82.500,00 KM.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom. U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http://www.sszip.ks.gov.ba](http://www.sszip.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-30473 od 20.11.2015. godine – Ustupanje usluga osiguranja uposlenika Kantona Sarajevo u 2016. godini. Javna nabavka je provedena putem postupka: Otvoreni postupak. Procijenjena vrijednost javne nabavke

bez PDV-a iznosi 46.080,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-1-2-65-3-30/15 od 26.11.2015. godine u 6:44 h i u "Službenom glasniku BiH" br. 91/15 od 30.11.2015. godine.

U skladu sa Pravilnikom o nabavci roba, všenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 16.12.2015. godine do 12,00 h konstatovala da je u uredno zatvorenoj koverti dostavljena ponuda ponuđača:

Rb	PONUĐAČ
1.	"BOSNA SUNCE OSIGURANJE" d.d. Sarajevo, Trg međunarodnog prijateljstva br. 20

U skladu sa Odlukom o pokretanju postupka, Komisija za ustupanje usluga formirana Odlukom broj: 17-05-27809 od 18.10.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-30473-09 od 16.12.2015. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedan (1)
- da je blagovremeno zaprimljeno ukupno jedna (1) ponuda
- da nema neblagovremeno zaprimljenih ponuda
- da je ponuda ponuđača "BOSNA SUNCE OSIGURANJE" d.d. iz Sarajeva, formalno-pravno ispravna, odnosno ista ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke Ustupanje usluga osiguranja uposlenika Kantona Sarajevo u 2016. godini kako slijedi:

1. "BOSNA SUNCE OSIGURANJE" d.d. Sarajevo	100,00 bodova
---	---------------

U skladu sa kriterijumom "ekonomski najpovoljnija ponuda" sa potkriterijima: cijena/visina osigurane sume/premije 70%; smrt usljed bolesti 15%, smrt usljed nezgode 15%, invaliditet 40%, rok isplate osigurane sume 20% i način plaćanja premije 10%, **ugovor se dodjeljuje prvorangiranom ponuđaču „BOSNA SUNCE OSIGURANJE” d.d. iz Sarajeva u** ukupnoj vrijednosti nabavke, odnosno visine premije osiguranja po uposleniku (godišnje) od 46.080,00 KM i visine osigurane sume za: smrt usljed bolesti: 4.000,00 KM; smrt usljed nezgode: 42.500,00 KM; invaliditet: 82.500,00 KM, rok isplate osigurane sume 30 (trideset) dana i način plaćanja premije 90 (devedeset) dana. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 17-14-30473-09 od 16.12.2015.godine

Dostaviti:

1. Svim učesnicima u postupku
2. Stručnoj službi za zajedničke poslove
3. a/a